

Falsafah dan Kebudayaan

Soal Qadak dan Qadar

Orang-orang Barat berkata, bahawa sebab yang menjadikan orang-orang Timur itu mundur ialah kerana mereka percaya kepada qadak dan qadar, dan kepercayaan mereka yang tersebut telah mendorong mereka berserah buta kepada nasib. Tuduhan orang-orang Barat yang demikian pernah juga dikatakan oleh setengah orang Islam yang terdidik secara Barat. Jadi, bagaimana kedudukannya yang sebenar?

Masalah ini telah diperincangkan oleh alim-ulama di Mesir baharu-baharu ini, sebagaimana yang disajikan oleh majalah “*Liwā’ al-Islām*”, dan penjelasan mereka adalah seperti berikut:

Penjelasan al-Ustādh Muhammad al-Banna

Kata-kata yang demikian, mengandungi tuduhan yang selalu dilemparkan oleh kebanyakan orang, dengan menempatkannya kepada Islam. Mereka berkata, orang-orang Islam beriman dengan qadak dan qadar. Maksud mereka bahawa orang Islam suka berserah buta kepada nasib dan bersifat malas. Orang Islam – kata mereka lagi – tidak percaya kepada sikap yang bersungguh-sungguh dan tidak mengambil berat kepada sesuatu kerja. Sebenarnya ini ialah suatu tuduhan yang tersisih daripada kebenaran, dan bukti-buktii sejarah, serta roh agama Islam. Sebagaimana yang diketahui, Allah *subḥānahu wa ta ‘ālā* telah membangkitkan Junjungan kita Nabī Muḥammad *ṣallā Allāhu ‘alayhi wa sallam*, kerana memperbaiki agama manusia dan dunia mereka.

Nabī Muḥammad juga telah ditugaskan oleh Allah ‘azza wa jalla supaya melakukan sebesar-besarnya kerja yang pernah berlaku

dalam sejarah manusia. Kerja-kerja yang besar yang telah dilakukannya, ialah meruntuhkan beberapa buah kerajaan dan mendirikan beberapa kerajaan pula; menyiaran dasar-dasar pemberontakan terhadap adat-adat lapuk dan pusaka-pusaka yang telah usang, mendirikan kuasa dan pengaruh akal fikiran di atas asas yang kukuh, dan membolehkan perubahan dalam susunan masyarakat jika perubahan itu ada faedahnya kepada orang ramai. Agama Islam yang demikian setengah daripada tujuan-tujuannya, tidak boleh menjadi agama yang berserah buta kepada nasib dan malas, bahkan yang selayaknya ialah menjadi agama sikap yang bersungguh-sungguh dan agama kerja. Apabila didapatkan di dalam agama, satu kalimah yang memandu orang Islam kepada beriman dengan qadak dan qadar, maka serentak dengan itu akan didapat beberapa kalimah yang memandunya kepada bekerja dan jangan berserah buta kepada nasib.

Rasulullah *sallā Allāh ‘alayhi wa ālihi wa sallam* bersabda:

“*Kullu shay’in bi qadā’in wa qadarin, hatta al-‘ajuza wa al-kays (al-qudrat)*”.

“Tiap-tiap sesuatu itu dengan qadak dan qadar,

hingga (termasuk juga) kelemahan dan kekuasaan.”

Hadis ini difaham oleh orang, bahawa Nabi bertujuan menggalakkan manusia kepada berserah buta kepada takdir semata-mata, tetapi fahaman yang seperti itu ialah faham orang yang tidak mengetahui dengan secukupnya akan nas-nas perintah Islam dalam masalah ini, dan orang yang demikian tidak pula ikhlas untuk kebenaran, kerana selain

dari padab Nabi yang tersebut tadi, Allah ‘azza wa jalla berfirman di dalam *al-Qur’ān al-Karīm*:

“*Wa qul i’malū fa sayarā Allāhu ‘amalakum wa rasūluhu.*”

“Dan katakanlah, bekerjalah kamu (beramallah, berusaha halah) maka Allah dan Rasul-Nya akan melihat kerja dan usaha kamu itu.”

Dan firman-Nya lagi: “*Famshū fī manākibihā wa kulū min rizqihī.*”

“....maka berjalanlah kamu di muka bumi (menjalankan usaha ikhtiar), dan makanlah kamu daripada rezeki-Nya (Allah ‘azza wa jalla).”

Junjungan kita juga pernah bersabda:

“*Inna Allāha kutiba ‘alaykum al-sa‘yu fas‘ū, wa inna afḍala mā akala imra‘ū ma ukila min ‘amalin yadihi, wa anna nabiyya Allāha dāwuda kāna ya‘kulū min ‘amalin yadihi*”.

“Sesungguhnya Allah telah mewajibkan ke atas kamu menjalankan usaha mencari rezeki maka berusaha halah kamu, dan sesungguhnya seafdal-afdal (makanan) yang

dimakan oleh seseorang, ialah (makanan) yang dimakan

dari hasil usaha tangannya, dan sesungguhnya

Nabi Allah Daud biasa makan (makanan) yang diperoleh dari hasil usaha tangannya.”

Tatkala seorang sahabat berkata bahawa dia

menghabiskan waktunya dalam mengerjakan sembahyang dan puasa, maka Nabi bertanya kepadanya: “Siapa memberikan belanja makan minum kamu?” Orang itu menjawab: “Saudara saya”. Kalau begitu, ujar baginda, “Saudara kamu itu lebih banyak (pahala) ibadatnya daripada kamu.”

Kejadian sejarah adalah menjadi dalil bahawa umat

Islam bukanlah suatu umat yang berserah buta kepada

takdir atau malas. Kerana melalui mereka lah sebesar-besar

Adakah anak-anak tuan telah pandai membaca?

Jika belum, ajarlah dengan menggunakan buku:

Panduan

Membaca dan Menulis Jawi

Suatu cara mengenal huruf yang mudah sekali. Dicetak dengan dua warna. Belum ada buku untuk memandu membaca Jawi yang seumpamanya. Buku ini sangat molek dijadikan buku pelajaran membaca Jawi sebagai mengenal huruf. Tekniknya baik dan pertama-tama dibuat seumpamanya baik dalam buku-buku Melayu atau Arab untuk mengenal huruf-huruf Jawi. Disusun oleh Cikgu Mahmud ibn Ahmad seorang guru yang terkenal di seluruh Tanah Melayu.

Senaskhah hanya \$1.50 post 10 sen.

kejadian dalam sejarah telah berlaku. Kalau-lah mereka suatu umat yang berserah buta kepada takdir semata-mata nescaya tidak akan wujud bagi mereka kekayaan sejarah yang demikian besar, dan ilmu pengetahuan serta ciptaan-ciptaan yang berharga itu.

Barangkali lebih tepat agama-agama yang lain itulah yang lebih mendalam kepercayaan mereka berpegang kepada faham qadak dan qadar daripada Islam. Nabi ‘Isā ‘alayhi al-salām biasa menggalakkan pengikut-pengikutnya kepada sifat “zuhud” dan meninggalkan kesenangan dunia. Ia juga pernah berkata kepada salah seorang pengikutnya: “Juallah harta bendamu dan ikutilah aku.” Adapun Nabī Muḥammad ᷃allā Allāhu ‘alayhi wa ălihi wa sallam, maka baginda sentiasa menggalakkan umatnya keada menjalankan usaha ikhtiar an mengambil berat tentang soal penghidupan.

Di dalam *al-Qur’ān al-Karīm* ada dinyatakan:

“*Wa ibtaghi fīmā atāka Allāha al-dāra al-akhirat wa lā tansa naṣībaka min al-dunyā*”.

“Dan tuntutlah akan negeri akhirat dengan apa yang telah dikurniakan Allah kepadamu, tetapi jangan lupa akan nasib kamu di dalam dunia.”

Di dalam *athar* (kata-kata Sahabat), ada disebutkan:

“*I'malu li dunyāka ka annaka ta 'tshu abadan, wa i'malu li ikhiratika ka annaka tamūtu ghadan.*”

“Berusahalah untuk dunia kamu seolah-olah kamu hidup selamanya, dan berusahalah untuk akhirat kamu seolah-olah kamu mati pada hari esok.”

Di dalam *athar* juga ada disebutkan:

“*Inna min al-dhunūbi dhunūban lā tukaffiruhā șalātan wa lā sawmin, yukaffiruhā ilahum (ayyu al-ihtimām) bi al-ma 'tshah.*”

“Sesungguhnya ada di antara dosa-dosa itu beberapa

dosa yang tidak dapat dihapuskan oleh sembahyang dan puasa, yang menghapuskannya ialah usaha mengambil berat tentang soal penghidupan.”

Pada suatu hari, Saydinā Sa‘ad ibn Abī Waqāṣ, berkata kepada Nabi ᷃allā Allāhu ‘alayhi wa ălihi wa sallam, “Ya Rasulullah, saya sekarang sedang sakit (hampir mati), saya ada harta dan saya hendak sedekahkan semuanya?” “Jangan” – jawab Nabi. “Bagaimana pula kalau saya sedekahkan separuhnya?”, tanya Sa‘ad lagi. “Jangan” – jawab Nabi. “Apakah kalau saya sedekahkan sepertiganya?”, tanya Sa‘ad lagi.

“Sepertiga? Sepertiga itupun sudah banyak”, jawab Nabi dan bersabda lagi: “Meninggalkan waris-waris kamu kaya-raya lebih baik daripada kamu meninggalkan mereka dalam keadaan fakir miskin, menadah tangan kepada orang ramai.”

Kesemua dalil-dalil dan segala cerita-cerita ini yang telah memenuhi kitab suci *al-Qur’ān al-Karīm* dan *al-Hadīth al-Shari‘f*, telah mendirikan tembok yang kukuh yang menghalangi umat Islam daripada bersikap malas, sikap yang merosakkan sifat-sifat kemanusiaan dan akal fikiran. Oleh sebab itu kita dapat banyak kaum hartawan dari kalangan umat Islam yang sangat bijak mentadbirkan harta kekayaan mereka. Misalnya Saydinā ‘Abd al-Rahmān ibn ‘Awf, salah seorang daripada sahabat-sahabat Nabi yang sepuluh, yang telah dijanjikan dengan syurga, ia juga salah seorang daripada sahabat-sahabat Nabi yang enam, yang telah dinamakan oleh Saydinā ‘Umar sebagai salah seorang calon yang akan menyandang jawatan Khalifah Islam, ialah seorang hartawan dari kalangan orang-orang yang kaya di dunia pada zamannya pernah

diriwayatkan bahawa salah seorang isterinya telah mewarisi harta pusaka yang ditinggalkannya sebanyak delapan puluh ribu (tidak dinyatakan: Dirham atau dinar – P.), dan bahawa ia (Saydinā ‘Abd al-Rahmān ibn ‘Awf) telah meninggalkan emas yang bertongkol-tongkol, sehingga tongkol-tongkol emasnya itu dipecahkan orang dengan kapak, dan sehingga berdarah tangan orang-orang yang mengapaknya kerana banyaknya. Kekayaannya yang besar itu tidak menghalanginya daripada menjadi seorang Muslim yang utama dan berkedudukan mulia di dalam Islam.

Dalam kalangan umat Islam juga, kita dapatkan pahlawan-pahlawan yang terbilang yang telah menawan negeri-negeri pihak lawan, dan mendirikan negara Islam di atas dasar yang kukuh. Umat Islam telah menawan negeri-negeri Parsi, Rom dan Mesir, dan di dalam zaman mereka telah berkembang ilmu pengetahuan dan ciptaan-ciptaan yang bernilai. Kalau-lah mereka satu umat yang berserah buta kepada takdir semata-mata, tentulah mereka (tidak akan mencapai kemajuan yang tersebut) dan tentulah tidak akan zahir dalam kalangan mereka ahli-ahli pengetahuan seperti Jābir ibn Hayyān yang telah tampil mengajarkan ilmu kimia dalam zaman yang penuh dengan gelap gelita kejahanan (terutama dunia Barat ketika itu), dan tidak akan zahir dalam kalangan mereka orang-orang yang bijak pandai seperti al-‘Abbās ibn Firnās yang telah mencipta dasar ilmu penerbangan sebelum orang lain di dunia ini cuba memikirkannya.

Bandar Bagdad – dalam zaman Islam yang keemasan zaman kerajaan ‘Abbāsiyyah – terkenal sebagai sekolah dunia dan sekalian penduduknya, sehingga Khalifah al-Ma’mūn ibn Hārūn al-Rashīd telah meletakkan syarat dalam perjanjian perdamaian dengan pihak Rom supaya mereka menyerahkan kepadanya buku-buku ilmu pengetahuan orang Greek tua, dan

sesudah itu orang Islam telah mengarang kitab-kitab yang berdasarkan buku-buku yang tersebut.

Umat Islam juga tidak berpada dengan luas negara mereka di timur, lalu ‘Abd al-Rahmān al-Dākhil, dari Bani Umayyah, yang bergelar “Saqr Quraysh” (Helang kaum Quraisy), tampil mara ke Eropah dan mendirikan kerajaan Bani Umayyah di Semenanjung Sepanyol. Dari negara Islam yang baharu itu telah terpancarlah cahaya Islam di benua Eropah, meliputi ilmu syarak dan ilmu pengetahuan yang berbagai jenisnya. Dār al-Shūrā (Parlimen Islam) di Sepanyol telah menjadi contoh utama bagi orang-orang yang hendak menyusun undang-undang yang rapi dan adil dalam lapangan kehakiman dan perundangan.

Umat Islam yang berpegang teguh kepada agamanya tidak pernah mundur dan lemah. Sejarah menjadi sebesar-besarnya saksi tentang ini. Kemunduran umat Islam yang mendatang kemudian daripada itu adalah disebabkan mereka telah melepaskan ajaran-ajaran Islam yang sebenarnya, dan setengahnya telah menjadikan Islam sebagai pakaian yang menutupi badan mereka sedang ajaran-ajarannya tidak meresap di dalam hati mereka. Mereka juga telah memisahkan di antara siasah dengan agama, dan meminjam undang-undang asing dan bahasa-bahasa asing, sehingga menjadilah Islam suatu nama yang tidak ada maknanya. Jelasnya mereka telah meninggalkan ajaran-ajaran Islam dan menyempitkannya dalam lingkungan suatu jumlah kata-kata dan ibadat sahaja.

Orang-orang asing dan orang-orang yang sehaluan dengan mereka, yang menuduh Islam dengan tuduhan-tuduhan yang seperti itu adalah mereka mendasarkannya kepada kedudukan umat Islam (yang mundur) pada zaman ini, sedang kemunduran umat Islam yang ada ini tidak kena-mengena

dengan Islam! Barangkali orang-orang asing – dengan secara tidak sengaja – telah menurut akhlak-akhlak Islam dan ajaran-ajaran Islam, dan mereka telah merasai faedahnya.

Kalau ada di pihak orang-orang asing – yang bukan Islam – sesuatu perkara yang baik, maka segala perkara-perkara yang baik itu, mereka telah peroleh daripada orang-orang Islam yang terdahulu. Jelasnya, kita umat Islam telah melukiskan suatu bentuk gambar bagi kerja-kerja kita yang jauh berlainan daripada bentuk yang digambarkan oleh Islam, dan kita telah menghabiskan masa dalam pertengkar-an-pertengkar-an dan kata-kata yang tidak berfaedah, dan memang bila Allah ‘azza wa jalla murka terhadap sesuatu kaum, maka ditimpakan kepada mereka perkara-perkara yang membawa kepada pertengkar-an dan menghalangi mereka daripada melakukan sesuatu kerja yang mendatangkan faedah. Adapun orang-orang yang bukan Islam (terutama orang-orang Barat) maka perkara itu telah terpaling kedudukannya kepada mereka. Mereka telah meninggalkan ajaran agama mereka dan kerana itu mereka maju, manakala kita telah meninggalkan ajaran agama kita dan kerana itu kita mundur.

Setengah orang menyangka, bahawa kepercayaan tentang qadak dan qadar itu menghalangi manusia daripada berusaha, dan memberi ilham kepadanya supaya menyerah buta kepada nasib sahaja dan bersikap malas. Sangkaan yang demikian itu amatlah salahnya. Kerana beriktikad dengan qadak dan qadar, pada hakikatnya ialah beriktikad bahawa segala yang berlaku di dalam alam yang dikuasai oleh Allah ‘azza wa jalla tidak berlaku melainkan bersesuaian dengan “*irādah*” atau kehendak Allah ‘azza wa jalla, sedang kehendak Allah itu tidak bersangkut paut dengan amal perbuatan.

Benar Rasulullah *sallā Allāhu ‘alayhi wa ālihi wa sallam* ada bersabda:

“*Kullu shay’in bi qaḍā’in wa qadari*”.

“Tiap-tiap sesuatu itu (berlaku) dengan qadak (hukum yang telah ditetapkan) dan qadar (sukatan azali)”.

Sabda Nabi yang demikian, bertujuan hendak menjadikan seseorang Muslim itu dalam keadaan iman yang sempurna, dan tidak terpedaya dengan kudrat atau kekuasaannya. Ini tidak bermakna bahawa Jijungan¹ kita menggalakkan supaya kita bersikap lemah dan malas, kerana selain daripada sabda Nabi yang tersebut, banyak pula sabdanya (dan juga perintah Allah di dalam *al-Qur’ān al-Karīm*) yang menyuruh kita berusaha terus-menerus, dan inilah dia jalan yang utama dan dasar amalan Islam.

Agama Islam tidak menghendaki manusia menjadi ahli falsafah yang mengetahui falsafah ketuhanan, tetapi agama Islam bertujuan hendak menguriskan² kepada mereka suatu cara amalan untuk mereka mengikutinya. Itulah sebabnya kita tidak mendapati suatu ayat pun di dalam *al-Qur’ān* mengenai falsafah ketuhanan yang tersebut, dan Nabi sendiri pernah mlarang umatnya daripada memperbincangkan falsafah ketuhanan, sabdanya:

“*Tafakkaru fī dhātikum wa lā tafakkaru fī dhāti Allāhi fa tuhlikū*”

“Fikirkanlah tentang diri kamu sendiri, dan janganlah kamu memikirkan (membahas) tentang zat Allah, kerana akibatnya kamu akan binasa (di dalam kesesatan).”

Kalau tuan mendapati dalam kalangan umat Islam ahli-ahli falsafah seperti Ibn Sīnā, al-Fārābī dan lain-lain, maka tuan akan mendapati juga ahli-ahli hukum syarak dan amal seperti Imam Abū Ḥanīfah, Imam Shāfi‘iy dan lain-lainnya. Bahkan ahli-ahli falsafah yang tersebut, akhirnya

¹ kesilapan ejaan, sebetulnya ‘Junjungan’

² kesilapan ejaan, sebetulnya ‘menggariskan’

telah mengakui akan kelemahan mereka, sehingga ada di antara mereka yang berkata mengenai zat Allah ‘azza wa jalla.

“*Sāfartu fīka al-‘uqūl wa mā*

rabiḥtu illā adhā al-safar.”

“Akal fikiran telah mengembara (hendak menyelidik dan mengetahui) akan hakikat zat-Mu yang Maha Suci, tetapi hasil yang didapatinya hanya penat lelah dan kesukaran daripada pengembalaan itu.”

Jelasnya, ahli-ahli falsafah itu menyuruh orang ramai supaya meninggalkan falsafah yang tersebut dan bertumpu kepada amal usaha dan berikhtiar dengan bersungguh-sungguh, supaya mereka dapat mengadakan hasil usaha mereka di dunia, dan supaya agama Islam menjadi benteng bagi pemeluk-pemeluknya yang akan mengangkat mereka dan tidak menjatuhkan mereka, yang akan memuliakan mereka dan tidak menghinakan mereka.

Orang yang berkata bahawa Islam menggalakkan pemeluk-pemeluknya kepada berserah buta kepada nasib semata-mata kerana terpengaruh kepada iktikad qadak dan qadar, yang sebenarnya dia tidak mengetahui akan sesuatu pun yang berlaku di dalam alam ini. Agama Islam hanya menjelaskan bahawa segala kuatkuasa manusia akan berkesudahan kepada suatu had atau perenggan yang tertentu, dan bahawa seseorang manusia itu akan ternyata kelemahannya ketika dia tidak dapat memahami akan ikatan sebab dengan musababnya, dan pada ketika itulah sekalian manusia akan menjadi orang yang percaya dan yakin kepada qadak dan qadar.

Jadi, tuduhan yang mengatakan, hanya orang-orang

Timur atau orang-orang Islam sahaja yang percayakan qadak

dan qadar itu, nyatalah salah dan tidak berasas.

(Dalam bilangan yang akan datang, Qalam akan menyajikan penjelasan al-Sayyid Amin al-Husseini, Mufti Palestin, tentang soal ini).

Bacalah!

Sudah terbit!

Buku-buku Syuhada Islam

Disusun oleh

Edrus

1. Hamzah ibn ‘Abd al-Muṭalib	50 sen
2. Nusaybah – Pahlawan Wanita Islam	50 “
3. ‘Ikrimah ibn Abū Jahl	50 “
4. Sa‘ad ibn Rabī‘	50 “
5. Sa‘ad ibn Mu‘ādh	50 “
6. Nu‘mān ibn Muqrin	50 “
7. Ja‘far ibn Abī Ṭalib	50 “
8. Anak ‘Abd Allāh ibn Ubay	50 “
9. Anak angkat Rasulullah	50 “
10. Abu Khudhayfah ibn ‘Utbah	50 “

Lain-lain Buku *Tārīkh*

Sejarah Ringkas Muḥammad (oleh Edrus)	\$1.20
Bilāl – (oleh Abdullah Basmeh)	1.20
Muḥammad (S.A.W.) (oleh Abdullah Basmeh) empat penggal	
Sepenggal	\$1.20

Pesanlah kepada penerbitnya:

QALAM, Singapura
